

PULA IMVULA

GROWING FOOD • PEOPLE • PROSPERITY

LEKWALO LA GRAIN SA LA BALEMIPOTLANA



Go agelela thusa Go agelela thusa

KA TLHOTLWA YA DITOKELELO MO MAEMONG A A KWA GODIMO GO FETA JAAKA GO NTSE, LE BOSASEITSE MO MAREKISETSONG, BAUMI BA IPHITLHELA MO MAEMONG A GO SASEITSE: GO SALA GO NTSE BOGONGWE BA GORE TLHOTLWA E WELE TLASE, MME JAAKA MAEMO A NEO LE TOPO A NTSE, GO BONALA GORE TLHOTLWA YA KUMO E TLAA NNA E TSHEGETSWA JAAKA GO NTSE.

Dintla tse di latelang di tshegetsa tlhotlhwa ya kumo:

- Maemo a a kwa tlase a bokana ba thoto ya ngogola e e saletseng go iswa mo setheng se sentshwa.
 - Phokotso ya tebelelopele ya bokana ba kumo e e ka bonwang kwa Amerika (USA) ka ntlha ya tebelelopele e e sa siamang ya maemo a bosa.
 - Maemo a a sa siamang a go uma kwa Yropa ka ntlha ya mogote.
 - Go saitse mabapi le thomelontle kwa Ukraine.
 - Thekiso e e kwa tlase ya dinawa tsa disoya kwa Argentina.
 - Bokana ba go uma ga oli ya dipalamo bo bo leng tlase ga tebelelopele.
- Ka maemo a tlhotlhwa jaaka go ntse mme le ka setlha sa go jwala se se gorogang, ke nako e e tshwanetseng go simolola go balabala maemo a tlhotlhwa ya ditokelelo le ya kumo go netefatsa kgono ya go bona poelo mme le gore o ka tswelela pele kgotsa nnyaa.

Dikao

Molemirui o balabala ka maemo a tlhotlhwa ya ditokelelo jaaka go ntse

gore tlhotlhwa ya go jwala mmidi e ka nna R15 500 ka heketara. Molemirui jaanong o tlhoka netefatso ya gore a ka rekisa kumo ya gagwe ka tlhotlhwa e e ka gaisang tlhotlhwa ya go e jwala go duela tshenyego e e rileng. Fa molemirui a uma ditono tse di leng nne ka heketara, o tlhoka go rekisa thaka ya gagwe ka maemo a a ka nnang R3 875 ka tono go kgona go bona tekatekano ya poelo le tshenyego ya madi a gagwe.

Tlhhotlhwa ya ditokelelo = R15 500/ha

Letseno la madi = 4 ditono/ha x R3 875/tono = R15 500

Poelo e lekana le letseno ka go goga tshenyego:

Poelo = R0 (R15 500 ya letseno - R15 500 ya tshenyego)

Poelo e ka bonwa fa go ka nna koketso ya ditono ka heketara ya kumo e e bonwang kgotsa fa go ka nna koketso ya tlhotlhwa ka heketara ya kumo ya gagwe.

- **Fa koketso ya kumo e e bonwang e ka nna ditono tse 5 ka heketara:**

- Tlhhotlhwa ya ditokelelo = R15 500 ka heketara
- Letseno= ditono tse 5 ka heketara x R3 875 ka tono = R19 375 ka heketara
- Poelo = R3 875 ka heketara (R19 375 ya letseno - R15 500 ya tshenyego)



MAFOKO A GA...

Jeremia Mathebula

BOLEMIRUI BO NA LE DIKGWETLHO TSE DINTSI, MME TLHAGAFATSO YA GO BONE MMIDI WA GAGO O MELA E TLAA GO TSWELETSWA GO DIRISA BOLEMIRUI – O KA SE BATLE GO ANANYA TIRO E O E DIRANG GO DIRA TIRO E NNGWE.

Ka nako ya go kwala molaetsa o, nna, jaaka balemirui ba bangwe, ke feditse go roba mme jaanong ke ntse ke ipaakanyetsa setha se se ntshwa se se latelang. Go balemirui ba bantsi setha se se fetileng se ne se le bokete ka ntlha ya go na ga pula go feta bokana bo re bo tlwaetseng. Mo Mpumalanga re sala re tshwarwa ke dithetse mo masimong a a sa omeng.

Mo kgaolong e ke nnang mo go yona, puisano ka bolemirui e sala e ntse e le mabapi le maemo a tlhotlhwa ya ditokelelo e e leng kwa godimodimo go feta. Balemirui ba ba sa diriseng naga e kgolo le ba ba simololang go dirisa bolemirui sešwa ba tshwenyegile, ka gore go ka tlisetra poelo e nnye e e sa lekaneng. Mme jalo go supa gore go loga maano ka tshwanno go botlhokwa gagolo. Go tlhoka go loga maano, ke go loga maano go tlhaela!

Go nna ke le molemirui, ditiragalo tsa bolemirui tse di leng botlhokwa go tlhomamiswa go netefatsa kgono ka setha se se latelang ke tse di latelang:

- O ka se kgone go jwala mo tshimong e e sa baakangwang, mme jalo go botlhokwa go simolola pele ga nako go baakanya mmu mo masimong a gago.
- Go tlhokomela diterekere tsa gago ka tshwanno go tlaa netefatsa gore o se tshwanetse go baakanya dilo fa o setse o tshwanetse go simolola go dira. Le fa bontsi ba ditiro tsa go tlhokomela di ka dirwa fa tiro e se ntsi ka dikgwedi tse di rileng, o sala o tshwanetse go tlhola maemo a tisele, maemo a go tshasa oli, maemo go elelisa metsi go tsidifatsa mme tota le maemo a dithaere pele o ka simolola go dirisa terekere.
- Romelela ditokelelo ka nako e e tshwanetseng go fenza bongwe ba koketsu ya tlhotlhwa.

Go dirisa bolemirui go bokete, mme se fele pelo. Rotlhe re ntse re dira go bona boitlhomo bo bo tshwanang bo bo leng go uma dijo tse di ka jewang ke batho ba lefatsho la rona le go netefatsa pabalesegodijo.

A re tsweleleng go dirisana mmogo le bottlhe ba ba dirisang bolemirui, tota le ka dinako tse di leng maswe, fa tlhotlhwa ya ditokelelo e le godimo mme e gwethla tiriso ya bolemirui go feta. Re tshwanetse go tshwara tumelo ya rona ya gore maemo a a tlaa boela mo re ka kgonang ka bonako. Se se yang godimo, se tshwanetse go boela tlase! ■


Go agelela thusa...

• Fa tlhotlhwa ya tlhaka e oketsego go R4 000 ka tono:

- Tlhotlhwa ya ditokelelo = R15 500 ka heketara
- Letseno= ditono tse ka heketara x R4 000 ka tono = R16 000 ka tono
- Poelo = R500 ka heketara (R16 000 ya letseno - R15 500 ya tshenyego)

1

Kgogoropo e e supang topo ya mmidi.



DINTLHA TSE DI TSAMAE LANANG LE POELO

Fa re lebelela sekao se se fa godimo, go bonala gore dintlha tse pedi tse di tlhotlhela tseng maemo a poelo e le **go uma le tlhotlhwa**. Moumi ga a na bolaodi mo go uma mme o na le bolaodi go tlhotlhwa e a e amogelang fa a rekisa kumo ya gagwe.

Go agelela

Go na le sediriswa se se rileng sa go netefatsa poelo e e lekaneng sa go agelela. Go agelela ke fa moumi a rekisa kumo ya gagwe ka konteraka ya pele ga nako, fa a jwala ka tlhotlhwa e e rileng ya bokamoso e e leng godimo ga tlhotlhwa ya ditokelelo. Moumi jaanong o reka konteraka ya bokamoso e e sutisang diphatsa go thulaganyo e nngwe. Go netefatsa gore moumi a amogele tlhotlhwa ka tono ya kumo e a e umang e e tlhomilweng.

Maemo a tlhamaletseng go moumi ke go agelela maemo a tlhotlhwa ya ditokelelo go netefatsa gore a nne le kgono ya go duela ditshenyego tse di ka nnang teng. Go tsamaelana le maemo a marekisetso, moumi a ka tlhopha go agelela kgaolo e kgolo ya kumo ya gagwe kgotsa go tshwara tlhaka ya gagwe ka maikaelelo a go e rekisa ka boene fa a simolola go roba.

Ka nnene, go agelela go thusa moumi go laola phatsa ya tlhotlhwa ka go netefatsa gore a ka kgona go duela tshenyego ya ditokelelo. Sengwe le sengwe godimo ga tlhotlhwa ya ditokelelo ke poelo. Mme jalo, go agelela ke mokgwa o o botlhokwa o o tshwanetseng tsweleletso ya tiriso ya bolemirui.

BOKHUTLO

Tlhotlhwa e tsamaelana le go uma. Fa go bonalwa lefitiso, tlhotlhwa e tlaa ya go tekatekano ya thomelontle mme fa kumo e tlhokwa tlhotlhwa e tlaa ya go tlhotlhwa ya tekatekano ya thomeloteng. Tlhotlhwa ya ditekatekano e tsamaelana le tlhotlhwa ya mo lefatsheng ka bophara, mme jalo go nna teng diphethogophethogo le dintlha tse di fetolang maemo a marekisetso. Dintlha tse ke tsona tse di supang botlhokwa ba go dirisa go agelela diphatsa. ■



CHRISTIAAN VERCUEIL,
MOEKONOMIMMOTLANA WA
BOLEMIRUI, GRAIN SA

Itse disenyi tse di go senyetsang: *Sebokophetlhi sa Chilo*

GO BOTLHOKWA GO KGONA GO SUPA SE SENGWE LE SE SENGWE SE SE KA SENYANG DIJWALWA TSA GAGO. DISENYI TSA MOFUTA WA LEPIDOPTERAN JAAKA SEBOBKOPHETLHI SA ŠILO SE KA SENYA MMIDI GAGOLO, MO GO KA TLISANG TATLHEGO E KGOLO YA TLHAKA. GO SE SUPA PELE GA NAKO GO KA THIBELA KGOTSA GO KA FOKOTSA TSHENYEGO E E KA NNANG TENG.

Sebokophetlhi sa šilo se bonalwa gantsi mo kgaolong ya khutloharo ya mmidi mme le mo dikgaolong tse di leng tlase tsa kwa Mpumalanga, Limpopo, Springbuck flats, Makatini flats le dikgaolo tse dingwe tsa mo KwaZulu-Natal. Mong-gae wa ntla wa sesenyi se ke mabele, ka go salwa morago ke mmidi.

Sedikobophelo sa Sebokophetlhi sa šilo se sekhutswane mme se fela gare ga dibeke tse tharo go tse nne. Dirurubele di bonalwa ka kgwedi ya Lwetse, ka tse namagadi di beelang dithlophpha tsa mae (a a ka nnang 500) mo magodimong le mo matlaseng a matlhare a dimela tse dintshwa. Dithlophpha tsa mae di tshweu, di motopo, di phaphathi ebile di ageletswe jaaka dithaela tsa thulelo ya ntlo, mme di thuba morago ga matsatsi a a ka nnang tlhano go a a leng supa.

Dibokwana di mmala o mosweu wa lebebe ka maranthothoto a mafadu go tsamaelana le mokwatla, mo go leng lebaka le le tlisitseng leina la sebokophetlhi sa maranthothoto. Dibokwana tse di thubang di ya go segare sa mmidi mme go tloga moo di tlolela mo dimelang tse dingwe tse di leng gaufi ka go dirisa mathale a bobo. Dibokwana di ja mo segare sa mmidi mo matlhare a sa thathetswe dibeke tsa bofelo tse di ka nnang tharo go nne, pele di tswela kwa ntla go tsenelela mo kutung go nna mekone.

Dibokwana di phela ka nako ya mariga mo disalelatshimong mme fa thempereitšha e ya godimo morago ga mariga, dirurubele di bonalwa morago ga matsatsi a a ka nnang tlhano go a a leng supa a go nna mekone.

Ka ntla ya bokhutswane ba go nna mokone, go se je thata le bokhutswane ba sedikobophelo sa Sebokophetlhi sa šilo, se bonwa se se sese nyitota mo mmiding fa se bapiswa le sebokophetlhi sa Aforika.



Mae a Sebokophetlhi sa Šilo.



Dibokwana tsa Sebokophetlhi sa Šilo di ntse di ja ka go kgogometsa ka motshophe mo magareng.



Dibokwana tsa Sebokophetlhi sa Šilo ka maronthotho a a di supang.



Dibokwana tsa Sebokophetlhi sa Šilo ka maronthotho a a di supang.


TSHENYEGO

Tshenyego e e tliswang ke Sebokophetlhi sa šilo e bonwa e le diphatlhanyana tse dinnye kgotsa 'mafensetere' mo matlhareng jaaka a tswelela go mela ka lebaka la go ja ga dibokwana mo segareng mme gape le ka lebaka la go bona dikgogometso mo dikutung le mo diakong tse di tliswang ke diboko tse di godileng. Tshenyego e e tliswang ke Sebokophetlhi sa šilo e tshwana le tshenyego e e tliswang ke sebokophetlhi sa Aforika. ■

CROPLIFE SOUTH AFRICA

EVERY KERNEL COUNTS

*Multiply your maize
with one DEKALB
seed per hole.*



With **DEKALB®**, one seed is all you need! The built-in technology in our maize seed unlocks a world of possibilities for your farm and ensures that one seed per hole is enough. Our **DEKALB** seed bags are available in packages of **2 kg, 5 kg and 30 000 kernels** and you can choose between stacked traits, **Roundup Ready® MAIZE 2** and conventional hybrids. Discover how **Bayer's** crop protection and **DEKALB** advanced genetics can help you gain the **#DEKALBadvantage**.



[@DEKALBSA](#) [@Bayer4Crops](#)

www.cropscience.bayer.co.za // www.bayer.co.za // Tel: +27 11 921 5002

Bayer (Pty) Ltd. Reg. No. 1968/011192/07. 27 Wrench Road, Isando, 1601. PO Box 143, Isando, 1600.

The registration owner of **DEKALB®** and **Roundup Ready® MAIZE 2** is **Bayer AG, Germany**.



MADE POSSIBLE BY
THE MAIZE TRUST

LWANTSHA DISENYI TSA dijwalwa ka kgonon

GO BOTLHOKWA GORE BALEMIRUI BA KGONE GO SUPA DISENYI GO NETEFATSA BOLAODI KA NAKO E E RILENG, KA GO DIRISA DIDIRISWA TSE DI STHWANETSENG. THAGA LE TSIE KE DISENYI TOTA TSA BOLEMI MME DI SUPILWE E LE DISENYI KE MOLAO WA GO LAOLA DISENYI TSA BOLEMI (MOLAO WA PALO 36 WA 1983). DISENYI TSE DI KA SENYA MO GO MASWE FA DI TSENA MO MAFULONG LE MO MASIMONG.

DISENYI TSA BOLEMIRUI

Lefapha la Bolemirui, Tsolo ya Naga le Thihabololo ya Magae (DALRRD), ke lona le le nang boikarabelo ba go laola disenyi tse.

Thaga

Pele moemedi wa lefapha a ka kgonon go tla go lebelela mathata fa go begilwe pego, go na le dikgato tsa tiragalo tse di tshwanetseng go tseiwa ke mongongorego:



Kgaisanyo ya ditshwantsho ya Grain SA – Luca Geertsema, Sedimonthole 2016

Go botlhokwa go simolola go laola ditsie pele di simolola go fofa.

- Mo thaga e e senyang e nnang ebile e robalang go tshwanetse go supiwe ka tshwanno. Madulo mo e robalang go ka supiwa ka tshwanno fela fa e le maitseboa, ka e sa nne teng mo madulong fa go le motshegare. Segopa sa thaga se tlaa nna di dintlhaga mme di ka diriswa go supa mo di dulang ka motshegare.
- Fa kgaolo mo di dulang e se mo polaseng ya mongongoregi, mongongoregi o tshwanetse go amogela tumelo ya molemirui yo mongwe go tsena mo polaseng ya gagwe mme le go di laola. Mongongoregi jaanong a ka ikopantsha le mothatlhobi wa tikologo (bona lenaneo la go ikopantsha) ka kitso ya dithaga mme a bega pego mabapi le dithaga. O tshanetse go tlhoma nako ya go kopana

go tla go bona mo dithaga di robalang kgotsa mo di dulang a na le mongongoregi.

Tsie

Ofisi ya Ditshhabakopano kwa Geneva, Switzerland, e balabadile gore le fa e le lesogodi la tsie le lennye la ka ja dijo tse di lekanang le tse di ka diriswang go jesa batho ba ba ka nnang 35 000 ka letsatsi le le lengwe. Jalo go botlhokwa gagolo go laola tsie ka tshwanno.

Go ya le Dr Gerhard Verdoorn wa CropLife SA, yo a nang kitso ya dingwaga tse di ka nnang 40 mabapi le go laola tsie, mogokong o ka laolwa ka go se dirise dikhemikale tsa go dibolaya tsie. O dumela gore tsie e tshwanetse go laolwa fa e sa le tsiane mo mmung – nako e e sa ‘tsamaya’ e eleng matsatsi a a ka nnang supa go lesome pele e simolola go fofa.

Fa tsie e simolola go fofa, go nna thata go e laola. Masogodi a tsie ka tlwaelo a gasetswa fa go sa le phakela, pele a simolola go fofa, kgotsa bosigo, fa a ikhutsa. Go di gasetsa fa di fofa ke go senya khemikale ya go bolaya tsie, mme gape go senya tikologo. Mme jalo

Dr Verdoorn o supa gore segopa sa diphologolo kgotsa motlhape wa dikromo di ka diriswa go gata mogokong, kgotsa go diriswa matlhaku a a gogwang ke kolio. Tse di sa bolaiweng di a golofatswa gore di se kgone go simolola go fofa.

Sebokwana

Sebokwana (*Spodoptera frugiperda*) se tsamayatsamaya phakela le maitseboa, mme se iphitlha mo matlhareng a dimela ka motshegare. Le fa se sa bonalwe ka bontsi ga ntlha, ka gore dibokonyana tse dinnyane ga di senye thata, dibokwana tse di godileng di ja bokana bo bo ka nnang 80% ba bogotlhe ba dijo tse di jewang mo bophelong

Bega pego ya mathata mabapi le disenyi fa

Dintlha tsa kopantsho mabapi le thaga

JOHN TLADI

(Mothusamolaodi: Disenyi tse di fudugang)

Mogala: 012 309 5743

Sele: 060 973 2366

COLIN BURKE

Mogala: 012 309 5826

Sele: 082 451 4861

LUKA GEERTSEMA

Mogala: 012 309 5824

Sele: 066 299 5365

Dintlha tsa kopantsho mabapi le tsie

UYOKAZI MPUMULWANA

(Moemedi wa disenyi tse di fudugang,
De Aar)

Sele: 084 760 8176

MULALO MUKOBE (Upington)

Sele: 083 326 7773

DR GERHARD VERDOORN (CropLife SA)

Tsweleletsa molaetsa ka WhatsApp go
082 446 8946

KHULISO GANGASHE

(Motshegetsamolaodi)

Mogala: 012 309 5823

Sele: 067 410 6103

PRUDENCE MAJOZI

Mogala: 012 309 5866

Sele: 076 655 1466

VINCENT MAKHARI

Mogala: 012 309 5877

Sele: 073 175 3843

Ka gore e senya dijwalwa gagolo, thaga ke non-yane e e supiwang e le e e nyatswang gigolo mo Afrika ka go e bitsa 'tsiemafofa'.



ba tsona ka matsatsi a bofelo a bophelo ba tsona a go gola. Fa di tsenelela mo seakong, go bonalwa tlhaka e sa tlale ka tshwanno mme go tlisa tshenyego e kgolo go fitlhelela nako ya thatafatso ya tlhaka.

Go ya le CropLife SA, bolaodi ba dibokwana bo bo siameng ke go di laola fa di sa le nnye. Go tlhola go lebelela le go okomela gape le gape go bona dirurubele ka go di thaisa ka monkogokopano go ka tlhomamisa gore a di setse di simolotse go fofa, mo go supang bontsi le bokana ba tsona. Go tlhola masimo gare ga matsatsi a le mararo go a le mane go botlhokwa go kgona go bona mae, dibokonyana tse dinnyane kgotsa tshenyego ya 'mafensemsetere' mo dimeleng. Fa tse di bonwa, moumi a tshwanetse go dira ka bonako ka gore dibokwana tse di godileng ga di bolaiwe fela jalo, tota fa di setse di tseneletse mo diakong.

GO LOTANA BOLAODI BA DISENYI

Lotano ya bolaodi ba disenyi (IPM) ke mokgwa o o siamentseng tikologo wa bolaodi ba disenyi. Mokgwa o o gaMogalaela kgono ya go mela ka tshwanno ya dimela ka go se tlhakathakantshe ditiragalo tsa go phela tsa tse di leng mo thulaganyong ya bophelo. O tlhotlhelotsa tiriso ya ditatlholengo tsa go laola disenyi mme o dirisa mekgwa e e farologaneng go laola disenyi go di thibela go se senye dijwalwa. Ntlha ya go simolola ya IPM ke go medisa tlhaka e e siameng, e e nang kgono ya go fenya disenyi go feta e e se nang maatla kgotsa e e nang kgaMogalaelo.

Bolaodi ba disenyi bo sireletsa dijwalwa – ga bo oketsa kgono ya dimela go oketsa bokana ba kumo e e ke bonwang. Ke kopantsho ya mekgwa yotlhe e e rileng mo leanong le le lengwe go oketsa kgono ya go laola disenyi go oketsa bokana ba kumo e e ka bonwang ka go oketsa tokelelo e e leng botlhokwa go laola disenyi.

Mesola

Ka IPM, kgono ya tiriso ya ditokelelo e a golafatswa:

- Tiriso ya dibolayadisenyi tse di sa tlhokwang e a ilwa, mme go tlisa phokotsa ya tlhotlhwa ya ditokelelo.
- Tatlhego ya kumo e a fokotswa.
- Kgono ya disenyi go fenya dibolayadisenyi e a fokotsegaa.
- Kgono ya go uma tlhaka e a tsweleletswa mme phedisotsotlhe e a tshegetswa.

• Maemo a phatsa ya go bolaya batho, diphologolo, diruiwa le go senya dijwalwa e batile le go senya tikologo a a fokotsegaa. Gakologelwa gore IPM ga se ntlha e le esi fela ya go uma tlhaka e e tshwanetseng go lebelelwaa ke bamedisi ba tlhaka. Bolaodi ka bophara ba dijwalwa ke medisi ke ntlha e le nngwe fela ya go medisa tlhaka ka tshwanno, mme le ka tlhanolelo.

Metswedi

KLK Gesprek, Seetebosigo 2022

Pula Imvula, Phukwi 2022

<https://www.epa.gov/safepestcontrol/integrated-pest-management-ipm-principles>

<https://sagrainmag.co.za/wp-content/uploads/2020/12/Grain-Guide-2021-ENG-web.pdf>



LOUISE KUNZ,
MOTSHEGEDI WA MORULAGANYI

Kotula mosola wa go ikwadisetsa VAT

AO NA LE PALO YA VAT? A O KWALETSWE GO DUELA VAT? DIPOTSO TSE DI KA NNA TSE O TLHOLANG O DI UTLWA O LE MOLEMIRUI, MME 'VAT' KE ENG? BONTSI BA MAFATSHE, TOTA LE AFORIKABORWA, A DIRISA THULAGANYO YA LEKGETHO LA KOKETSOTLHOTLHWA ('VAT') GO BONA LEKGETHO MO BADIRISI BA MADI KGOTSA THULAGANYO YA LEKGETHO LA DIJEGO.

VAT e tseiwa mo go moreki fa sengwe se rekwa kgotsa fa tiro e dirwa – ga e tseiwa ke mmuso, e tseiwa ke morekisi wa selo kgotsa modiri wa tiro e e duelwang ('mmapatsi').

Mmapatsi jaanong o tshwanetse go duelela lekgetho le a le tsereng go Lefapha la Lekgetho la Aforika Borwa (SARS) ka nako le nako jaaka go dumetswe. VAT e e duetsweng ke mmapadi mo dilo le ditiro tse di diriswang mo kgwebong ya gagwe e ka busetswa ke SARS ka go fokotsa bokana ba e e e duetsweng. Jalo, mmuso ka kgono o amogela fela VAT ka bokana ba tlhotlhwa e mmapatsi a e okeditseng ka tiragalo ya thekiso.

Ke dikgwebo tse di kwaletseng e le tsa mmapatsi fela tse di ka tsayang VAT go emela mmuso.

GO IKWADISA KGOTSA GO SE IKWADISE

Go ikwadisa le tiragalo ya go laola VAT e dirwa ke SARS, mme ba na le melawana e o tshwanetseng go e itse:

- Fela batho kgotsa dikgwebo tse di abelang dilo kgotsa ditiro di dumelwa go ikwadisa go kgona go tsaya VAT mo bareki ba bona.
- Dikgwebo tse dinnye di tlaa nna le tiro e ntsi ya go laola tiragalo ya VAT mme di ka se bone poelo ka bobona mme le mmuso o ka se bone poelo tota; mme jalo go gatelelwa ka molao fela bommapatsi ba ba bonang bokana ba madi a a ka nnang milione e le nngwe ya diranta le go feta ka ngwaga go ikwadisetsa go duela VAT.

O ka ikutlw a rata go ikwadisa go duela VAT go bona mosola o o ka nnang teng, tota le fa tikologo ya madi mo kgwebo ya gago e se godimo thata. O tlaa dumelwa go ikwadisa ka boithaopo fa o ka supa gore tikologo ya madi mo kgwebong ya gago e ka nna go feta R50 000 ka ngwaga.

O ikwadisa jang

Go ikwadisa, o tlhoka go etela diofisi tsa SARS kgotsa ka fa gongwe o ka dirisa moemedi yo o kwaletseng go dira tiro ya go tsaya lekgetho. Bontsi ba dithulaganyo tsa boradipalo di kwaletswe go laola tiro ya go tsaya lekgetho mme badiredi ba tsona ba tlaa kgona go go tshegetsa le go go supetsa tsela ka tiragalo ya go ikwadisa go duela VAT.

Fa o dirisa bolemirui, feteletsa ntlha e fa o ikwadisa gore o kgone go amogela kgono ya go duela VAT ka maemo a 0% mo dilo tse di rileng mo o rekang, jaaka dij tsa diruiwa, peo le monontsha. Ke poelo e ka diriswang ke balemirui fela.

Morago ga go ikwadisa

Fa o setse o ikwadisitse, o tshwanetse go:

- Netefatsa gore botlhe ba o rekang mo go bona ba nne le palo ya gago ya VAT ya nnete mo makwalong a bona mme ebile ba itse gore o ikwadisitse go duela VAT o le molemirui. Ntlha e e botlhokwa go netefatsa gore o kgone go tleleima pusetso ya VAT e o e duelang fa o reka. E bitswa e le **VAT ya tokelelo** – e le VAT e o e duelang mo dilo le ditiro tse di diragalang ka mo kgwebong ya gago.
- Ntshwafatsa dithhankana tsa thekiso tsa gago go dumelana le dintlha tsa bonnete tse di leng botlhokwa go diriswa go duela lekgetho, jaaka e le melawana ya go duela VAT.
- Simolola go oketsa tlhotlhwa ya go rekisa diruiwa le tlhaka ka letsatsi le o ikwadisang go duela VAT. Go bitswa e le **VAT ya ntshetso** – e le VAT e e tseiwang mo go tse di ntshwang mo kgwebong ya gago.

VAT ya ntshetso e tsewi ka maemo a 15% mo tlhotlhwa ya dilo tse o

BOITEKANELO LE POLOKEGO - Karolo ya 5

Kgoketsa didiriswa ka tlhokomelo

PELE GA GO KGOKETSA DI DIRSWA, MODIREDI PELE O TSHWANETSE GO TLHOLA MAEMO A TSONA GO NETE-FATSA GORE TSOTLHE DI DIRA KA TSHWANNO. TEREKERE KGOTSA SE SE TSAMAISANG LE TSONA DI TSHWANETSE GO TLHOLWA KA KELOTLHOKO MME TSOTLHE TSE DI DIRANG KA GO DIKOLOGA KGOTSA KA GO TSHIKINYA DI TSHWANETSE GO BIPELWA KA TSHWANNO.

Badirisi ba tshwanetse go nna le kitsa ya go kgoketsa le go kgaoganya didiriswa. Badiredi ba ba kgoketsang didiriswa kgotsa ba kgaoganya didiriswa la ntlha ba tshwanetse go nna le motlhokmedi go ba ruta go dira ditiro tse ka tshwanno.

Netefatsa gore sediriswa se tlhamaletse le terekere/se se tsamaisang pele o se kgoketsa ka gore fa go sa nne jalo o ka senya sediriswa kgotsa se se tsamaisang. Modiredi ga a a tshwanna go ema gare ga sediriswa le terekere/se se tsamaisng fa se kgoketswa.

Fa sediriswa se kgoketswe, dikgaolo tse di dirang di tshwanetse go tlholwa go netefatsa gore di dira ka tshwanno. Badiredi ba bangwe ga ba a tshwanna go nna teng fa kgono ya go dira ya sediriswa e lekwa. Fa go na le sengwe se se tshwanetseng go lebelelwa, jaaka dithipa tse di tshwanetseng go ntshwafatswa, sediriswa se tshwanetse go tingwa. Sediriswa gape se tshwanetse go kgaogangwa le terekere/se se tsamaisang. Fa se baakantswe, tsotlhe di tshwanetse go bofiwa ka kelothoko ebile di tshwanetse go lekwa gape pele go si-

di rekisang. Korong, dinawa tsa soya, disonobolomo le diruiwa ke dikao tsa dilo tse go duelwang VAT ka maemo a 15%. Le gale, fa gongwe VAT e tseiwa ka maemo a 0%. Dilo tse di rekiswang ka maemo a VAT a leng 0% ke mmidi, maungo le merogo, mašwi, mae le reisi.

LENANEO LA PUSETSO YA VAT

Ka boikaego ba tumelo ya boikwadiso ba gago le SARS, jaanong o tshwanetse go obamela pusetso ya VAT mo SARS gape le gape ka dikgwedi tse di ka nnang tse pedi kgotsa tse di ka nnang tse thataro. Dipusetso di tshwanetse go neiwa ka di25 tsa kgwedi morago ga nako ya go fela go duela VAT. E le sekao, Fa nako ya go duela VAT e le dikgwedi tsa Mopitlw le Moranang, pusetso e tlaa bonwa ka 25 Motsheganong.

Tiragalo ya go dira tiro ya go rulaganya lenaneo la pusetso ya VAT ke go khutshwafatsa ditlhankana le go di supetsa SARS ka bogotlhe ba:

VAT ya ntshetso

- Thekiso e e dirilweng ka maemo a 15%.
- Thekiso e e dirilweng ka maemo a 0%.

Fa bokana ba VAT ya ntshetso bo feta, o tshwanetse go duela bokana ba pharologano go SARS ka nako ya go romela pusetso. Go duela morago ga nako go a otlhangwa.

VAT ya tokelelo

- Dilo le ditiro tse di rekwang kgotsa tse di duelwang mo VAT e tseiwa ka maemo a a leng 15% ke morekisi.
- Thoto e e rekwang mo VAT e tseiwa ka maemo a a leng 15% ke morekisi.

Fa VAT ya tokelelo e feta, o tlaa amogela pusetso e e tswang kwa SARS mo bankeng ya kgwebo ya gago.

SARS e ka kopa dintlha tse di leng botlhokwa ka nako le nako go netefatsa gore o supa bokana ba tlhotlhwa ka bonneta.

Pusetso ya VAT e tlatswa ebile e romelwa mo serala sa SARS e-filing. O ka ikwadisa go dira tiro e ka bowena, mme fa o se na kitso ya dintlha tse go botoka go dirisa batho ba ba nang kitso mabapi le tiragalo ya go duela VAT.

Go romela morago ga nako kgotsa go se tlatsse diforomo ka tshwanno le go naya kitso e e sa tlhamalelang go SARS ka nako e e kopiwang ka nako le nako fa e kopiva, go ka tlisa koketso ya tuelo kgotsa dikotlhayo go kgwebo ya gago.

Go bona kitso gape, lebelela mo <https://www.sars.gov.za/lapd-vat-g02-vat-404-guide-for-vendors/>. ■

EBEN BAKKER, RADIPALO YO O KWALETSWENG



mololwa go se dirisa. Fa se ntse se diriswa, motsamaisi o tshwanetse go se emisa gagngwe le gape go tlhola gore tsotlhie di sa tsa-maya sentle kgotsa fa go utlwagala fa sengwe se tlhodia. Bolela motlhokomedi wa sediriswa fa go senyega sengwe.

Fa sediriswa se kgaogangwa le terekere/se se se tsamaisang, terekere/se se se tsamaisang se tshwanetse go se nne mo kereng mme boriki ba seatla bo tshwanetse go boswa pele go simololwa ka tiro ya go se kgaoganya. Fa tiro ya go kgaoganya e dirilwe, sediriswa

se tshwanetse go beiwa mo go tshwane-tseng – maemo a sona a go se emisa ga a a tshwanno go nna kotsi go mongwe le mongwe. Netefatsa gore ditshegetso tse di diriswang go emisa didiriswa tse dingwe di lokelwe ka tshwanno. ■

CHARL SAAYMAN, MOITSEANAPE WA BOITEKANELO LE POLOKEGO MO MEGA HEALTH AND SAFETY

Barulaganyi

GRAIN SA: PRETORIA

PO Box 74087
Lynnwood Ridge
0040

- 086 004 7246
- www.grainsa.co.za

MOLAODI WA GO RULAGANYA

Dr Sandile Ngcamphalala

- 082 862 1991 ■ Ofisi: 012 943 8296
- sandile@grainsa.co.za

MORULAGANYI WA PHATLALATSO

Liana Stroebel

- 084 264 1422 ■ Ofisi: 012 943 8285
- liana@grainsa.co.za

MOPATI WA GO GATISA

INFOWORKS MEDIA PUBLISHING

Mothusi wa go rulaganya – Louise Kunz

- louise@infoworks.biz

Moeteledipele wa lesomo – Johan Smit

- 082 553 7806 ■ Ofisi: 018 468 2716

■ johan@infoworks.biz

Go gatisa – Elizma Myburgh, Jesse Ross



Lenaneo la Tlhabololo ya Balemirui ya Batlhaka ya Afrikaborwa

MOKOPANYI WA TLHABOLOLO

Johan Kriel

Foreisetata (Bloemfontein)

- 079 497 4294 ■ johank@grainsa.co.za

Jerry Mthombothi

Mpmalanga (Mbombela)

- 084 604 0549 ■ jerry@grainsa.co.za

■ Kantoro: 012 943 8289 ■ Smangaliso Zimbili

Jurie Mentz

Mpmalanga/KwaZulu-Natal (Louwsburg)

- 082 354 5749 ■ jurie@grainsa.co.za

■ Kantoro: 012 943 8218

Graeme Engelbrecht

KwaZulu-Natal (Dundee)

- 082 650 9315 ■ graeme@grainsa.co.za

■ Kantoro: 012 943 8287 ■ Nkosinathi Mazibuko

Liana Stroebel

Kapabophirima (Paarl)

- 084 264 1422 ■ liana@grainsa.co.za

■ Kantoro: 012 943 8285 ■ Hailey Ehrenreich

Du Toit van der Westhuizen

North West (Lichtenburg)

- 082 877 6749 ■ dutoit@grainsa.co.za

■ Kantoro: 012 943 8290 ■ Lebo Mogatlanyane

Luke Collier

Kapabothaba (Kokstad & Mthatha)

- 083 730 9408 ■ luke@grainsa.co.za

■ Kantoro: 012 943 8280 ■ Luthando Diko

Cwayita Mpotsi (Mothusiofising: Mthatha)

- 078 187 2752 ■ umthatha@grainsa.co.za

■ Kantoro: 012 943 8277

PULA/IMVULA E TENG KA DIPUO TSE DI LATELANG

Setswana, Sesemane, Sesotho, Sezulu le Sethosa.

Articles written by independent writers are the views of the writers and not that of Grain SA.

THIS PUBLICATION IS MADE POSSIBLE
BY THE CONTRIBUTION OF THE MAIZE TRUST

Lenaneo le le fetolang botshelo



Farmer
Development
Programme

Pusetso

Tshupetsotsela e fetola matshelo

SETLHOPHA sa Tlhabololo ya Balemirui sa Grain SA se tsaya go nna leloko la thulaganyo e nthla e e botlhokwa ya tlhabololo ya balemirui go amogela dithuto le go feteletsa kitso mme gape le go nna leano la tshegetso go laola lesenene fa le ka wela molemirui.

Thulaganyo e setse e dirisa tlhabololo go ruta balemirui ba bašwa e le dingwaga tse di ka nnang 22 e ntse e ruta ka go dirisa tshupetsotsela le tshegetso mo dikgaolong tse di farologaneng mo go jwalwang tlhaka. Grain SA e dumela gore tshegetso e e neiwang ka go lebelana mongwe-go-mongwe balemirui ba ba nna le kgono ya go tlhabolola kgwebo ya bolemirui ya bona jaaka ba tswelela go goroga mo ba ka simololang go uma tlhaka ka bontsi.

Mo balemirui ba ba simololang kgotsa ba simolola go dirisa polase ya bona mme ba utlweletse ba ba nang kitso mabapi le tiriso ya mekgwa ya go dirisa bolemirui, go bonwe ditswamorago tse siameng tota. Basimolodi ba go dirisa bolemirui ba tshwanetse go ipaakanya go rutwa ke balemirui ba ba setseng ba kgonne. Fa molemirui yo o simololang a ithuta 'sephiri', o nna le kitso go tswelela go nna molemirui yo o kgonang. Basupetsatsela le basupetswatsela ba bangwe ka bao.



Mosupetsatsela Chris de Jager le molemirui Harry Khumalo ba tlota mapabi le maemo a mmu mo masimong a mantshwa a a rekilweng.



Molemirui Joseph Mohlomi a buisana le mosepetsatsela wa gagwe, Jacques Roux, mabapi le go baakanya mmu.



Solomon Masango, o supetsa tsela go molemirui Dorcas Ntombizethu.

LESEGO go feta dingwaga tse di ka nnang 20

KA go dirisanammogo le Grain SA, Bayer South Africa, nngwe ya bapati le batshegedi ba Lenaneo la Tlhabololo ya balemirui, e rulagantse sesupetso se se ntshwa se se bitswang *Lesego*. Se supa botlhokwa ba tlhabololo ya balemirui ba ba dirisang naga e nnye mo lefatsheng la rona mme gape le maatla a kgwebisano le kgono ya balemirui ba ba dirisang naga e nnye go jwala mmidi mo Aforikaborwa. Go bona sesupetso se ka bottlalo, o ka tshwara khoute ya QR:



Dikgaolo tse di tserweng mo video ya sesupetso. Tshwara khoute ya QR go bona sesupetso sotlhe. ■